

領囚送京至鳳州界囚四人皆逃智感憂懼
 捕捉不獲夜宿於傳舍忽見其故部吏來告
 曰囚盡得矣一人死三人在南山西谷中並
 已擒縛願公勿憂言畢辭去智感即請人兵
 入南山西谷果得四囚囚知走不免因來指
 抗智感格之殺一囚三囚受縛果如所告智
 感今在南任慈州司法光祿卿柳亨為臨說
 之亨為仰州刺史見智感親問之然御史裴
 同節亦云見數人說如此余右一報驗出
 法苑珠林卷第七 杜七

輞音蹠胡瓦切 榼苦盍切 炮疋交切 對徒對切 擗益房切
 切蓋嗟上苦蓋切 籊音磴五對切 皖從 數上音
 反七容鏡切方伏

法苑珠林卷第八

大唐上都西明寺沙門釋道世字玄暉撰

杜

千佛篇第五

七佛部第一此別部

述意部

出時部

姓名部

種族部

道樹部

身光部

會數部

弟子部

久近部

述意部第一

蓋聞九土區分四生殊俗昏波易染慧業難
 基久復愛河長流苦海不生意樹未啓心燈
 故三明大聖八解至人想法界而為智竟虛
 空以作身形無不在量極規矩之外智無不
 為用絕思議之表不可以人事測豈得以處
 所論將欲啓愚夫之視聽須示真人之影迹
 其猶谷風之隨嘯虎慶雲之逐騰龍感應相
 招仰惟常理自鹿樹表光金河匿曜故像法
 衆生歸向有徵雖千佛異迹一智同途大悲
 平等隨性欲而利生弘誓莊嚴運慈舟而濟

濁衆生有感機緣契會也

出時部第二

述曰今據賢劫一代分爲四時一壞二空三成四住就此四中成劫已往壞空未至今在住劫故有千佛出現大約而言三佛已往今是第四釋尊遺法此四時中各分二十小劫惣爲八十小劫始爲一大水火劫名爲賢劫也就住中二十別小劫內依立世阿毗曇論云十一劫是未來八劫是過去今釋迦佛當第九劫內成佛問此賢劫中成壞空劫佛不出世唯取住劫此住劫中復未來唯十一小劫何得頓有九百九十六佛一時出世耶答曰實如所難古來諸佛亦有斯妙會意稍難今依藥王藥上佛名經等略知途路且先錄藥王藥上經文後引佛名經和會劫有延促不同故藥王藥上經云尔時釋迦牟尼佛告大衆言我曾往昔無數劫時於妙光佛末法之中出家學道聞是五十三佛名聞已合掌

心生歡喜復教他人令得聞持他人聞已展轉相教乃至三千人異口同音一心敬礼即得超越無數億劫生死之罪其千人者華光佛爲首下至毗舍浮佛於莊嚴劫得成爲佛過去千佛是也此中千佛者拘留孫佛爲首下至樓至如來於賢劫中次第成佛後千佛者日光如來爲首下至須彌相佛於星宿劫中當得成佛若依佛名經過去九十一劫有佛名毗婆尸如來過去三十劫有佛出世名尸棄如來即此劫中復有佛出世名毗舍浮如來問曰此九十一劫爲大爲小答曰是大劫也問曰何以得知依舊婆沙論云釋迦菩薩因地從毗婆尸佛以來種種相好業至今第九住劫以經九十一大劫故舊俱舍論云釋迦菩薩由禮底沙佛精進力故即得超九大劫究竟成佛故知九劫既大餘九十一劫寧不是大又依藥王藥上經莊嚴劫賢劫星宿劫各有千佛出世即知此劫亦是大阿僧祇

劫又藥王經中若善男子善女人及餘一切
衆生聞是五十三佛名者是人於百千萬億
阿僧祇劫不墮惡道依此文勢展轉名莊嚴
劫賢劫星宿劫等各有千佛出世故知是過
於大劫阿僧祇劫至今賢劫中四佛出世者
亦是阿僧祇劫非是住小劫也既是大劫故
於賢劫之中千佛出世無所疑也又長阿含
經云過去九十一劫有佛名毗婆尸復過去
三十一劫有佛出世名尸棄復過去三十一
劫有佛出世名毗舍婆此尸棄佛及毗舍婆
佛依佛名經即此劫中有二佛出世不別或
容阿含翻譯剩此三十一劫也又更一釋云
林八
依立世阿毗曇論二十住劫中過去八劫已
有三佛出世釋迦當現在第九劫出世即以
前九劫已有四佛出世未來猶有十一劫焉
知不有多佛出世耶故經云或有一劫中有
無量佛出世或無數劫中空過無有一佛出
世以此義准縱是小劫多佛出世亦自無妨

良由衆生根有強弱故感見不同也此義難知更推
哲後述曰此賢劫千佛所化住境隄封周統
奄及三千大千世界所居土地最爲中也以
佛是能化之人心實虛中所化之人及以方
處亦皆是中故此有金剛之座餘方餘域無
此座故佛則不居故瑞應經云此方國土三
千日月萬二千天地之中央也佛之威神不
生邊地若居邊地地爲之傾斜是以古往佛
興皆出於此同斯成感良爲明證也如長阿
含經云過去九十一劫有佛出世名毗婆尸
人壽八萬歲復過去三十一劫有佛出世名
尸棄人壽七萬歲復過去三十一劫有佛出
世名毗舍浮人壽六萬歲復過去此賢劫中
有佛出世名拘樓孫人壽五萬歲又賢劫中
有佛出世名拘那含人壽四萬歲又賢劫中
有佛出世名迦葉人壽二萬歲我今出世人
壽百歲少出多減依智度迦延論據釋迦人
壽一萬歲世時合出爲觀衆生一萬歲已來

無機可度乃至百歲衆生見苦敦逼劫欲將末故出乎世故論云劫末佛與世劫初轉輪王出二不同如下輪王篇說 姓名部第三

此下並依增壹阿含經云七佛父母姓字經云第一維衛佛第二式佛第三隨葉佛此三佛同姓拘樓長阿含經云第一毗婆尸佛第二尸葉佛第三毗舍婆佛

第四拘樓秦佛第五拘那含牟尼佛第六迦葉佛此三佛同姓迦葉長阿含經云第四名拘樓孫佛第五拘那含佛第六同第七今我釋迦牟尼佛姓瞿曇

種族部第四 第一維衛佛第二式佛第三隨葉佛此三佛同是刹利王種第四拘樓秦佛第五拘那含牟尼佛第六迦葉佛此三佛林八

同是婆羅門種第七今我作釋迦文佛是刹利王種第一維衛佛父字槃裒刹利王母字槃頭末陀所治國名刹末提第二式佛父字阿輪拏刹利王母字波羅訶越提所治國名阿樓那和提第三隨葉佛父字須波羅提和刹利王母字耶舍越提所治國名阿耨憂摩

第四拘樓秦佛父字阿枝達堯婆羅門種母字隨舍迦所治國名輪訶利提那王字須訶提第五拘那含牟尼佛父字耶睺鉢多婆羅

門種母字鬱多羅所治國名差摩越提王字差摩第六迦葉佛父字阿枝達耶婆羅門種母字檀那越提耶所治國名波羅私王名其

隋第七今我作釋迦文尼佛父字閱頭檀刹利王種母字摩訶摩耶所治國名迦維羅衛先大王名槃提統而帝之有三族一婆羅

然則後二族甲非上尊之所託前二種實定正意之宅生婆羅門德行清高利帝利威恩出則強之世託王種以振威迦葉生中故釋迦而標德也 道樹部第五

第一維衛佛得道為佛時於波陀羅樹下第二式佛得道為佛於分塗利樹下第三隨葉佛得道為佛時於菩薩羅樹下第四拘樓秦佛得道為佛時於斯利樹下第五俱那含牟尼佛得道為佛時於烏暫樹下第六迦葉佛得道為佛時於拘類樹下第七今我作釋迦杜林八

五

公

牟尼佛時於阿沛多羅樹下夫繡楠丹楹者
非出家之高躅蔭松藉卉者爰入道之清規
何者俗以形骸之可貴故華屋以居之道以
室家之可累故脫屣而棄之凡百仕人孰能
先覺聿我調御之師是曰生知成道涅槃初
生說法皆依樹下斯其旨焉有落髮抽簪排

榮涕利可不景慕而置心哉 身光部第六
如觀佛三昧經云毗婆尸佛身長六十由旬
圓光百二十由旬尸棄佛身長四十由旬圓
光四十五由旬通身光一百由旬毗舍婆佛
身長三十二由旬圓光四十二由旬通身光
六十二由旬拘留孫佛身長二十五由旬圓
光三十二由旬通身光五十由旬拘那含牟尼
佛身長二十五由旬圓光三十由旬通身
光長四十由旬迦葉佛身長十六丈圓光二
十由旬釋迦牟尼佛身長丈六圓光七尺七
佛身並紫金色敬尋法身平等非有優劣但以
隨機業異故現化不同是容
釋迦牟尼出也紫金而千比丘咸見緒容
十六信士偏現灰色自彼之異佛恒一也類

此而言謂
無惑焉 依弥勒下生經云身長千尺圓光
二十丈 會數部第七

第一維衛佛前後三會說法初會說經有十
万比丘皆得阿羅漢第二會說經有九万比
丘皆得阿羅漢第三會說經有八万比丘皆
得阿羅漢長阿含經云毗婆尸佛初會弟子
有十六万八千人一會弟子有十

万人三會弟子有
三十六方八千人 第二式佛亦三會說法初

會說經有九万比丘皆得阿羅漢第二會說

經有八万比丘皆得阿羅漢第三會說經有

七万比丘皆得阿羅漢長阿含經云尸棄佛
初會弟子有十万人

第二第三
會數並同 第三隨葉佛再會說法初會說經

有七万比丘皆得阿羅漢第二會說經有六

万比丘皆得阿羅漢第四拘樓素佛一會說

經有四万比丘皆得阿羅漢第五拘那含牟尼

佛一會說經有三万比丘皆得阿羅漢第

六迦葉佛一會說經有二万比丘皆得阿羅

漢第七今我作釋迦牟尼佛一會說經有千

二百五十比丘皆得阿羅漢 述曰上來所

廿八

列七佛說法度人多少者此據小乘如來初成佛時創度外道迴邪入正聲聞弟子以為親侍故限斯數若據如來一代說法度三乘人得入道者則無量無邊故契法師云依如西域釋迦一代說法惣有三時第一時中為諸聲聞說有相法為破外道執令悟得道第二時中為小行菩薩說無相法為破聲聞令悟無相大乘第三時中為大行菩薩雙說有相無相法為破有相無相法令悟中道究竟圓教於此三時一一隨機廣化無量或展轉從三乘弟子邊聞法得道亦塵沙無數不可以一文定不可以一義局也 弟子部第八

依長阿含經云毗婆尸佛有二弟子一名騫荼二名提舍尸棄佛有二弟子一名阿毗浮二名婆毗舍婆佛有二弟子一名扶遊二名鬱多拘樓孫佛有二弟子一名薩尼二名毗樓拘那舍佛有二弟子一名舒般那二名鬱多樓迦葉佛有二弟子一名提舍二名婆羅

婆我今有二弟子一名舍利弗二名大目犍連上來列名各述二者此據聲聞中第一者故別論之毗婆尸佛有執事弟子名無憂尸棄佛有執事弟子名忍行毗舍婆佛有執事弟子名寂滅拘樓孫佛有執事弟子名善覺拘那舍佛有執事弟子名安和迦葉佛有執事弟子名善友我今有執事弟子名阿難毗婆尸佛有子名方膺尸棄佛有子名無量毗舍婆佛有子名妙覺拘樓孫佛有子名上勝拘那舍佛有子名導師迦葉佛有子名進軍我今有子名羅睺羅

久近部第九 依菩薩本行經云毗婆尸佛如來滅後正法住世經二萬歲神聞佛如來滅後正法住世經六萬歲別經云拘樓孫佛如來滅後正法住世經五百歲拘那舍牟尼佛如來滅後正法住世二十九日迦葉佛如來滅後正法住世經於七日釋迦佛如來滅後正法住世五百歲像法住世亦五百歲

依善見論云正法住世一千年 因緣部第二 此列三部

述意部

引證部

業因部

述意部第一

夫千佛乘暉萬靈景燭觀機

通務極聖弘恩所以聖人陳福以勸善示禍

以戒惡小人謂善無益而不為謂惡無傷而

不去然有殃有福之言乃華而不實無益無

傷之論則信而有徵是以大聖慈悲哀斯愚

惑廣興六度接引四生弘宣二諦停毒三有

故垂無限之悲計賢劫之緣也

引證部第二

依五仙人經云久遠無數劫

時有仙人處於林藪四人為主一人供給奉

事未曾失意一日遠採果葉落不時還至日

已中四人失食懷恨可為凶呪遂感而死復

生人中有梵志能相占之為王後果為王佛

言王者則吾是四仙人者拘留秦佛拘那舍

牟尼佛迦葉佛弥勒佛是也其梵志者謂達

是也又智度論云劫盡燒時一切皆空衆生

福力十方風至相對相觸能持大水有一千

頭人二千手足名為韋紐天是人齋中出千

葉金色妙寶蓮華其光大明如万日俱照華

中有人結跏趺坐此人復有無量光明名梵

天王心生八子八子生天地人民是梵天王

坐蓮華上是故諸佛隨世俗故云寶蓮華上

結跏趺坐說六波羅蜜又大悲經云佛告阿

難何故名為賢劫者由此三千大千世界劫

欲成時盡為一水時淨居天以天眼觀見此

世界唯一大水見有千枝蓮華一一蓮華名

為千葉金色金光大明普照香氣芬薰甚可

愛樂彼淨居天因見此事心生歡喜讚言希

有如此劫中當有千佛出興於世以是因緣

遂名此劫号之為賢我滅度後此賢劫中當

有九百九十六佛出興於世拘留孫佛如來

為首我為第四次復弥勒當補我處乃至最

後盧遮如來如是次第汝應當知餘經後佛

業因部第三 依千佛因緣經云尔時世尊

在王舍城耆闍崛山從石室出問阿難言今

諸聲聞諸菩薩等皆講何論阿難白佛言世

尊諸菩薩衆各各自說宿世因緣時有跋陀婆羅菩薩白佛言我於今日欲少諮問唯願天尊爲我解說是語時八万四千諸菩薩等各脫瓔珞散佛供養所散瓔珞住佛頂上如須彌山嚴顯可觀有千化佛坐山窟中時請菩薩白佛言世尊此賢劫千佛過去世時種何功德常生一處同共一家於一劫中次第當得菩提化度衆生尔時世尊告諸菩薩言吾當爲汝分別廣說汝今當知乃往過去無量百千万億阿僧祇劫復過是數此世界名大莊嚴劫名大寶有佛名寶燈燄王如來佛壽半劫正法化世住於一劫像法化世住於二劫於像法中有一大王名曰光德十善化民如轉輪王尔時大王教諸人民謂毗陀論時學堂中有千童子年各十五聰敏多知聞諸比丘讚佛法僧有一童子名蓮花德白善稱比丘言云何名佛法僧比丘荅言

波羅蜜滿足 淨性覺智慧 勝心得成就

故号名爲佛 無染性清淨 永離於世間不觀世五塵 常住名爲法 身心常無爲未離四種食 爲世良福田 故稱比丘僧時千童子聞三寶名各持香花隨彼比丘入塔禮拜見佛色像五體投地即於像前發弘誓願各發阿耨菩提心過算數劫必得成佛如今世尊隨壽長短皆命臨終時以聞三寶善根因緣故除却五十一劫生死之業命終之後得生梵世自憶往昔聞三寶名得生天上時千梵王各乘宮殿持七寶花至塔供養於像時千梵王異口同音而說偈言

慧日大名稱 久住善寂地 聞名除諸惡 自然生梵世 我今頭面禮 歸依大解脫 說此偈已各還梵世跋陀婆羅汝今當知時彼國王十善化人者久已成佛毗婆尸如來是善稱比丘尸棄如來是時千童子豈異人乎今拘留秦佛乃至最後樓至如來是跋陀婆羅汝今當知我與賢劫千菩薩從彼佛所

聞三寶名始發阿耨菩提心其事如是佛言
跋陀婆羅菩薩言過去無數阿僧祇劫此娑
婆世界有一大國名波羅奈王名梵德常以
善法化諸人民以國付子出家學道得辟支
佛躡身虛空化十八變時千梵王各以衣祴
盛諸妙花至優曇林中供養辟支佛白佛言

大德為我說法時辟支佛躡身虛空化十八
變舒手現足中有一梵王名曰慧見告餘梵
言我見辟支佛受持五戒以戒齋法當行十
善觀諸緣起以此善根迴向甚深阿耨菩提
願我作佛過於辟支佛百千万億時千梵王
命終之後於娑婆世界千四天_社下為千轉輪_公

王壽命八万四千歲臨命終時雪山之中有
一婆羅門聰明多智壽命半劫於先經中聞
過去佛号梅檀莊嚴如來彼佛為說甚深檀
波羅蜜不見施受心行平等時大仙人聞此
事已從雪山出詣千聖王讚說施法時千聖
王各以國土付其太子出家學道時千聖王

於雪山中各立草菴求無上道即獲五通飛
騰空虛壽命一劫時雪山中有大夜叉身長
四千里利牙上出高八十里面十二里眼出
迸血光如融銅左手持劍右手持叉住聖王
前高聲唱言我今飢渴無所飯食惟王矜愍
施少飲食時千聖王告夜叉言我等誓願一

切施與各各以水澡夜叉手投以仙果而令
食之夜叉得果怒棄置地告聖王言我父夜
叉敗人精氣我母羅刹恒噉人心飲人熱血
我今飢急唯須人心血何用果為時千聖王
告夜叉言一切難捨無過己身我等今日不
能捨心持用相與是時夜叉即說偈言

觀心無心相 四大色所成 一切悉能捨
乃應菩薩行 時雪山中有婆羅門名宰
度跋提白夜叉言唯願大師為我說法我今
不惜心之與血即脫單夜敷為高座即請夜
叉令就此座時大夜叉即說偈言
欲求無為道 不惜身心分 割截受眾苦_社
_{林八}
_公

能忍猶如地 亦不見受者 求法心不悔

一切無恡惜 猶如救頭然 普濟衆飢渴

乃應菩薩行 時牢度跋提聞是偈已身

心歡喜即持利劍刺曾出心是時地神從地

涌出白牢度跋提唯願大仙愍憐我等及山

樹神莫為一鬼捨於身命牢度跋提告諸神

言 此身如幻焰 隨現即變滅

猶如呼聲響 呼已更不應 四大五陰力

其勢不久停 於千萬億歲 未曾為法死

我今為法故 以心血布施 慎勿固遮我

障我無上慧 以此布施報 誓願成佛道

若後成佛時 要先度汝等

說此偈已卧夜叉前以劍刺頸施夜叉血即

復破曾出心與之是時天地大動日無精光

無雲而雷有五夜叉從四方來爭取分裂競

共食之食已大叫躍立空中告千聖王誰能

行施如牢度跋提如此行施乃可成佛時千

聖王驚怖退沒不欲菩提生變悔心各欲還

國時五夜叉即說偈言

不殺是佛種 慈心為良藥 大慈常安隱

終無老死異 一切受身者 畏殺毒害人

是故諸菩薩 教我不殺戒 汝今若畏死

常行不殺事 云何欲還國 捨靜求憤關

時千聖王聞此語已皆默然住佛告跋陀婆

羅菩薩汝今當知第一婆羅門讚檀波羅蜜

者過去定光明王佛是牢度跋提者過去然

燈佛是千聖王出家學道見然燈佛行諸苦

行心生悔恨於一劫中墮大地獄雖墮地獄

菩提願力莊嚴心故火不能燒從是已後復

得值遇燈明王菩薩為其說法從地獄出廣

為讚歎過去千佛解脫稱莊嚴佛乃至自在

王佛時千聖王聞千佛名歡喜敬禮以是因

緣超越九億那由他恒河沙劫生死之罪跋

陀婆羅汝今當知時千聖王豈異人乎我等

賢劫千佛是也 種姓部第三此別四部

述意部 王族部 種姓部 求婚部

社 林八

士 公

述意部第一 敬尋白淨所承出自慈師摩
王聖輪相慕億業重暉所以釋迦權應示現
降生託迹既顯苗粟遂彰故應迦毗丈六金
容現三十二相之儀統領三千大千之化愍
彼四流之漂運斯六度之舟也

王族部第二 如長阿含經云天地初成諸

天下來食其地味變化為人因有諍起衆議
立主選得一人豪族最尊策爲國主以治百
姓此即是釋迦先祖之王廣如前劫又依樓
炭經云後有他王治化不如先王其壽遂減
生至八萬歲展轉稍減至一萬歲乃至百歲
從劫初有王名大人相已來依四分律惣算

合有八萬四千二百五十三王出世其中別
有十大轉輪聖王王四天下自外諸王不可
備列且列如來七世祖族名諱具錄如下故
五分律云過去有王名鬱摩王四分名此王
庶子有四名一名照目長阿含經二名聰目
經名三名調象路指名四名尼樓經名尼樓王

有子名烏頭羅烏頭羅王有子名瞿頭羅瞿
頭羅王有子名尸休羅尸休羅王有四子一
名淨飯二名白飯三名斛飯四名甘露飯若
依長阿含經四分律等皆云師子頰王有四
子一名淨飯王有二子一是苦薩第二白飯
王有二子一是調達第三斛飯王有二子一是

摩訶男律第四甘露飯王有二子一是跋提
依智度論云師子頰王有一女名甘露味甘
露味有子名施婆羅依雜阿含經云世尊姑
子名佞沙比丘是也依分別功德論云阿難
有妹出家作比丘尼不出名字嫌迦葉訶阿難作
小兒者是又大方便經云白淨王劫初已來

嫡嫡相承作轉輪王近來二世不作輪王而
作閻浮提王又優婆塞戒經云我於初釋迦
佛所發心於寶頂佛所滿初僧祇於然燈佛
所滿第二僧祇於迦葉佛所滿第三僧祇俱
論云逆次逢勝觀然燈寶髻佛則毗婆尸所
滿三僧祇若正滿言在於勝觀已滿爲語
在於高貴古今無比宿殖福因今受勝報

種姓部第三 如十二遊經云阿僧祇時有
 菩薩為國王其父母早喪讓國與弟捨行求
 道遙見一婆羅門姓曰瞿曇因從學道婆羅
 門言當解王衣如吾所服受瞿曇姓於是菩
 薩受瞿曇姓入於深山食果飲水坐禪念道
 菩薩乞食遂還國界舉國吏民無能識者謂

為小瞿曇菩薩於城外甘蔗園中以為精舍

佛所行讚經云甘蔗之苗裔釋無勝淨王財
 德純備故曰淨飯王案淨飯速祖乃是瞿曇
 之後身以其前世居甘蔗園故經稱甘蔗之苗裔也於中獨坐時有五

百大賊劫取宮物路由菩薩廬邊明日捕賊
 蹤跡在菩薩舍下因收菩薩前後劫盜法以
 木貫身立為尖標血流於地是大瞿曇以天

眼見之便以神足飛來問曰子有何罪酷乃
 尔乎卿無子孫當何係嗣菩薩荅言命在須
 臾何陳子孫王使左右弩弓射殺之瞿曇悲
 哀涕泣下棺斂之取土中餘血以泥團之著
 一器中還其精舍左血著左器中其右亦然
 大瞿曇言是道人若其志誠天神當使血化

為人却後十月左即成男右即成女於是便
 姓瞿曇氏一名舍夷舍夷者是西
 方貴姓之号血化為人
 乃是宿世之事恐文繁故不可具說所因也
 又菩薩本行經云甘蔗王次前有王名大茅
 草即以王位付諸大臣大衆圍遶送王出城
 剃除鬚髮服出家衣王出家已持戒清淨專
 心勇猛成就四禪具足五通得成王仙壽命

極長至年老肉消背曲雖復拄杖不能遠
 行時彼王仙諸弟子欲往東西求覓飲食取
 好輦草安置籠裏用盛王仙懸樹枝上何以
 故畏諸蟲獸來觸王仙時諸弟子乞食去後
 有一獵師遊行山野遙見王仙謂是白鳥遂
 即射之時彼王仙既被射已有兩滴血出墜
 於地即便命終彼諸弟子乞食來還見彼王
 仙被射命終復見有血兩滴在地即下彼籠
 將王置地集聚柴木焚燒王屍收骨為塔復
 將種種雜妙香華供養彼塔尊重讚歎承事
 畢了尔時彼地有兩滴血即便生出二甘蔗

芽漸漸高大至時甘蔗熟日炙開剖其一莖
蔗出一童子更一莖蔗出一童女端正可喜
世無有雙時諸弟子心念王仙在世之時不
生兒子今此兩童是王仙種養護看視報諸
臣知時諸大臣召喚解相大婆羅門教令占
相并遣作名彼相師言此童子者既是日炙
熟甘蔗開而出生故一名善生又其從甘蔗
出故第二復名甘蔗生又以日炙甘蔗出故
亦名日種彼女因緣一種無異故名善賢復
名水波時彼諸臣取甘蔗種所生童子幼小
年時即灌其頂立以為王其善賢女至年長
大堪能伏事即拜為王第一之妃

杜林八

主

名無邊意五名髮意六名黑牛七名瘦牛八
名摩訶波闍波提隋言大慧亦云梵天而此梵天於諸
女中年最幼小初生之日為諸能相婆羅門
師觀占其體云此女嫁若生兒者必當得作
轉輪聖王王四天下七寶自然千子具足乃
至不用鞭杖治民時善覺女年漸長成堪欲
行嫁白淨王聞自國境內有一釋氏甚大豪
富生於八女端正少雙乃至相師占觀其女
當生貴子時淨飯王聞是語已作如是言我
今當索是女作妃令我甘蔗轉輪聖王苗裔
不絕此是律家作如是說又言大慧是菩薩母者此依阿波陀那經文又言輪頭檀王是我之父摩耶夫人是我之母阿波陀那經說檢諸經文此義是實也時淨飯
王即遣使人往詣善覺大長者家求索大慧
為我作妃波闍波提隋言生活本尔時善覺語彼
使言善使仁者為我諮啓大王言我有八女
一名為意乃至第八名為大慧何故大王求
最小者大王且可待我處分七女竟已當與
小女大慧作妃時淨飯王復更遣使語長者

言我今不待汝一一嫁七女訖然後取於太
 慧作妃汝八頭女我盡皆取時善覺釋報大
 王言若如是者依大王命隨意將去時淨飯
 王即遣使人一時迎取八女向宮至於宮已
 即納二女自用為妃其二女者第一名為意
 第八名大慧者自餘六女分與三弟一人與

二並妻為妃時淨飯王納意姊妹內於宮中
 縱情嬉戲歡娛受樂依諸王法治化四方又
 菩薩本行經云時甘蔗王有第二妃絕妙端
 正生於四子一名炬面二名金色三名家家
 象衆四名別成其第一善賢妃唯生一子名
 為長壽端正可喜世間少變然其骨相不堪
 公

作王時善賢妃如是思惟甘蔗種王有此四
 子炬面等輩兄弟群強我今唯有此之一子
 雖極端正而無有變然其相分不堪為王作
 何方便令我此子得紹王位復作念是甘蔗
 王今於我邊無量敬愛深心染著縱情蕩意
 我今可窮極婦人莊飾之法令王於我重生

就緬若得如心我於屏處當乞求願思惟是
 已如上所說在嚴自身令極殊絕至於王邊
 王見妃來生重愛敬縱逸其心見王生如是
 心已二人眠卧妃白王言大王當知我今從
 王乞求一願願王與我王言大妃隨意不逆
 從心所欲我當與妃時妃重贊王言若與我

願不得變悔王言一與妃願後若悔者當令
 我頭破作七分妃言大王王之四子炬面等
 輩願償出國遣我生子長壽為王時甘蔗王
 即語妃言我此四子無有過失國境之內有
 何非祥不聽其住妃又白言王已先立誓我
 若悔者頭破七分王告妃言我如前言與妃
 所願時甘蔗王過此夜後至明清旦集衆四
 子而告勅言汝四童子今可出去我治化內
 不得居住遠向他國時四童子胡跪合掌白
 父王言大王當知我等四人無有罪惡無諸
 過咎云何父王忽然償我出於國界王勅子
 言我知汝等實無過失此非我意驅償於汝
 公

此善賢大妃之意彼妃乞願我不違彼令汝出國時四王子所生之母各求乞隨兒去王報諸妃隨汝意去時妃眷屬及諸臣百姓等各白王言今遣此四子令出國者我等諸臣各亦求隨去王言任意時甘蔗王勅諸王子從今已去若欲婚姻不得餘處取他外族還於自家姓內而莫令甘蔗種姓斷絕彼諸王子受父王教已各各自將所生之母并及眷屬資財諸獸乘等即向北方到雪山下經少時住有一大河名婆耆羅漢度於彼河上雪山頂遊涉久停見川寬平無諸坑坎埠阜唯生軟細青草清淨可愛樹林華果蔚茂數榮王子見已共相謂言可於此間造城治化尔時王子既安住已憶父王語於自姓中求覓婚姻不能得婦各納姨母及其姊妹共爲夫妻依於婦禮一隨王教二恐釋種雜乱相生尔時日種甘蔗之王召一國師大婆羅門來語之言大婆羅門我四王子今在何處國師

答言大王當知王之四子已各出國向於北方乃至已生端正男女時甘蔗王爲自所愛諸王子故心思欲見意情歡喜而發是言彼諸王子能立國計大好治化彼等王子是故立姓稱爲釋迦以釋迦住大樹蔚蔚枝條之陰是故名爲耆耆耆及耆耶以其本於迦毗羅仙處所住故因城立名故名迦毗羅婆蘇都時甘蔗王三子沒後唯一子在名尼拘羅隋言長阿含經云住直樹林又号釋林曰林別成爲姓又父王聞四子端正曰此真釋子也

降胎部第四此別六部

述意部 現衰部 觀機部 呈祥部

降胎部 獎道部 述意部第一

夫誠心內感則至覺如在形力外單則法身咫尺是以能仁大師隨緣計機愍焰宅之既焚傷欲流之未霧託白淨之宮降摩耶之胎啓黃金之色破無明之闇居茲三惑示畫篋之非真出彼四門驚浮雲之易滅也

見衰部第二 如因果經云尔時善慧菩薩
 功行滿足位登十地在一生補處近一切種
 智生梵率天名聖善為諸天主說於一生補
 處之行亦於十方國土現種種身為諸衆生
 隨宜說法期運將至當下作佛即觀五事一
 者觀諸衆生熟與未熟二者觀時至與未至
 三者觀諸國土何國處中四者觀諸種族何
 族貴盛五者觀過去因緣誰最真正應為父
 母觀此五已即下生者不能廣利諸天人衆
 仍於天宮現五種相令諸天子皆悉覺知菩
 薩期運應下作佛一者菩薩眼見瞬動二者
 頭上花萎三者衣受塵垢四者腋下汗出五
 者不樂本坐諸天衆見菩薩有此異相心大
 驚怖身諸毛孔血流如雨自相謂言菩薩不
 久捨於我等尔時菩薩又現五瑞一者放大
 光明普照三千大千世界二者大地十八相
 動須弥海水諸天宮殿皆悉震搖三者諸魔
 宮毛隱蔽不現四者日月星辰無復光明五

者天下八部皆悉震動不能自禁是諸天見
 菩薩身已有五相又觀外五現希有事皆悉
 聚集到菩薩所頭面礼足白言尊者我等今
 日見此諸相舉身震動不能自安願為我釋
 此因緣耶便答天言善男子當知諸行皆悉
 無常我今不久捨此天宮生閻浮提于時諸天
 聞此語已悲號涕泣心大憂惱舉體血現迷
 悶於地深歎無常尔時有天子即說偈言
 菩薩在於此 開我等法眼 今者遠我去
 如盲離導師 又如欲度水 忽然失橋船
 亦似嬰孤兒 喪亡其慈母 我等亦如是
 失所歸依處 方漂生死流 了無有出緣
 我等於長夜 為癡箭所射 既失大醫王
 誰當救我者 滯卧無明牀 長沒愛欲海
 永絕尊者訓 未見超出期 我於此不久
 尔時菩薩以偈答曰 我於此不久
 當下閻浮提 迦毗羅施梵 白淨王宮生
 碎父母親屬 捨轉輪王位 出家行學道

杜

林八

十九

公

成一切智種、建立正法幢、能竭煩惱海、
閉塞惡趣門、淨開八正路、廣利諸天人、
其數不可量、以是因緣故、不應生憂惱、
又智度論問菩薩何以生兜率天上不在上、
生不在下生是大福德應自在生、答曰有人、
言作業熟故應是中生又下生地中結使厚、
濁上地中結使猛利、兜率天上不厚不利、智、
慧安隱故、又佛出世時不欲過故、若於下地、
生命短壽終時佛未出世、若於上地生命長、
壽未盡復過佛出時、故兜率天於六天及梵、
之中上三下三於彼天下必生中國中夜降、
神中夜出迦毗羅國行中道得菩提中道爲、
人說法中夜入無餘涅槃以好中法故、中天、
上生、

觀機部第三

如菩薩降胎以四種觀人間一觀時二觀土、
地三觀種姓四觀生處、初觀時者時有八種、
佛出後第一人壽八萬四千歲時乃至第八、
人壽一百餘歲菩薩如是念人壽百歲佛出、

時到是名觀時、第二觀土地者、諸佛常在中、
國生多豐財寶其土清淨、第三觀種姓者、佛、
生二種姓中若刹利若婆羅門刹利種勢力、
大故婆羅門種智慧大故隨時所貴佛於中、
生第四觀生處者、何等母人能懷那羅延力、
菩薩亦能自護淨戒如是觀竟唯中國迦毗、
羅淨飯王后能懷菩薩如是思已於兜率天、
下不失正慧入於母胎、又佛本行經云、尔時、
兜率天衆之中有一天子名曰金團、往昔已、
來數曾下到閻浮地補處菩薩名曰護明、護、
明知已告金團言、金團天子汝數下至閻浮、
提中汝應知彼城邑聚落諸王種族、一生菩、
薩當生何家、金團天子報言尊者我甚知之、
尊者善聽我今當說、護明言善、金團言此之、
三千大千世界有一菩提道場處所在彼閻、
浮摩伽陀國境界之內、是昔諸佛成菩提處、
如是展轉遍歷天下諸國王處皆不稱菩薩、
意金團天子復作是言、我於閻浮提一切諸

國處處聚落處處諸王處處城邑處處刹刹
 各住諸城而是刹刹造種種業我為尊者經
 歷已來生於無量疲極苦惱心迷意亂更不
 復能觀看餘處推有一刹刹從本以來至於
 大衆平量安立世世轉輪聖王之種乃至甘
 蔗苗裔已來子孫相承在彼迦毗羅婆蘇都
 釋種所生其王名爲師子頰王其子名爲輪
 頭檀王一切世間天人之中有大名稱尊者
 堪爲彼王作子護明菩薩報金團言善哉善
 哉金團天子汝善觀察諸王家種我亦念在
 於此家生我今深心如汝所說金團當知我
 定往生彼家作子金團往昔一生補處菩薩
 所託家者有六十種功德具足滿於彼家何
 等六十彼家本來清淨好種一一切諸聖恒
 觀彼家二彼家不行一切惡事三彼家所生
 悉皆清淨四彼家種姓真正無雜五彼家體
 胤嫡嫡相承無有斷絕六彼家昔來不斷王
 種七彼家所生一切諸王皆是往昔深種善

根八生彼家者常爲諸聖之所讚歎九彼家
 生者具大威德十彼家多有端正婦女十一彼
 家多有智慧男兒十二彼家所生心性調順十三
 彼家所生無有戲調十四彼家生者無所可畏
 十五彼家生者不曾怯弱十六彼家生者聰明多
 智十七彼家生者多解工巧十八彼家生者皆無
 過罪十九彼家所生不與世間工巧雜合亦不
 貪財以爲活命二十彼家所生常好朋友二十一彼
 家所生不以殺害諸蟲諸獸以自活命二十二彼
 家種姓恒知恩義二十三彼家種族能修苦行二十四
 彼家所生不隨他轉二十五彼家所生不曾懷恨
 二十六彼家所生不結癡心二十七彼家生者不以怖
 畏隨順於他二十八彼家生者畏殺害他二十九彼
 家生者無有罪患三十彼家生者乞食得多三十一
 一至彼家生者無空發遣三十二彼家剛強難
 可降伏三十三彼家法則恒出禮律三十四彼家
 常樂布施衆生三十五彼家建立因果勤劬三十六
 彼家所生世間勇健三十七彼家恒常供養

一切諸仙諸聖八三 彼家恒常供養神靈十二
 九 彼家恒常供養諸天十四 彼家恒常供養丈
 夫四 彼家歷世無有怨讎四 彼家名聲威
 振十方三四十 彼家一切諸宗為最四 彼家
 生者上世已來悉是聖種五 彼家生者於
 聖種中最高為第一六 彼家生者位是轉輪
 聖王之種七 彼家生者是大威德人之種
 性八 彼家生者多有無量眷屬圍遶九
 彼家生者所有眷屬不可破壞十 彼家生者
 所有眷屬勝一切人十一 彼家生者悉孝養
 母十二 彼家生者皆孝順父十三 彼家生者
 悉皆供養一切沙門十四 彼家生者悉皆供
 養諸婆羅門十五 彼家生者豐饒五穀倉庫
 盈溢十六 彼家生者多有金銀車磔碼碼一
 切資財無所乏少十七 彼家生者多畜奴婢
 象馬牛羊一切具足十八 彼家生者不曾事
 他十九 彼家生者如是一切眾事具足於世
 間中無所乏少二十 佛告金團天子凡是一生

補處菩薩處於母胎彼母若有三十二種相
 具足者乃能堪受菩薩在胎何等為三十二
 事一彼母人正德而生二彼母支體具足三
 彼母人德行無缺四彼母人所生得處五彼
 母人為行庶幾六彼母人種類清淨七彼母
 人端正無比八彼母人名字得稱九彼母人
 身體形容上下相稱十彼母人未曾產生十
 一彼母有大功德十二彼母恒念樂事十三
 彼母心常隨順一切善事十四彼母無有邪
 心十五彼母身口及心自然調伏十六彼母
 心口無所畏十七彼母多聞總持十八彼母
 極女工巧十九彼母心無諂曲二十彼母心
 無誑詐二十一者彼母人心無有瞋恚二十
 二者彼母人心無有嫉妬二十三彼母人
 心無有慳悋二十四者彼母人心無有急速
 二十五者彼母人心難可迴轉二十六者彼
 母人體有至德相二十七者彼母人心能懷
 忍辱二十八者彼母人心有慙有愧二十九

者彼母人得薄婬怒癡三十者彼母人行無女家過三十一者彼母人行孝順向夫三十二者彼母人出生一切諸德一切諸行皆悉具足如是母人乃能堪受一生補處後身菩薩欲入母胎之時取鬼宿日然後乃入於母胎中其受一生補處菩薩母胎已前其母必須受八關齋然後菩薩入於彼胎護明菩薩復作是言我受有不爲世間一切錢財五欲快樂故下人間受此一生唯欲安樂諸衆生故哀愍苦惱諸衆生故

呈祥部第四 依佛本行經云尔時護明菩薩冬分過已至於最勝春初之時一切樹木諸華開敷天氣澄清温涼調適百草新出滑澤和柔滋茂光鮮遍滿於地正取鬼宿星合之時爲彼諸天說於法要悉令歡喜時淨居天告彼一切諸天大衆言汝等今見護明菩薩欲生時莫生憂惱何以故彼下生時必定當得成阿耨菩提成已還來至此天宮爲汝

說法猶如往昔毗婆尸佛乃至迦葉佛等皆從此去還來到此爲汝說法如前無異尔時菩薩於夜下生當欲降神入胎時時彼摩耶夫人當其夜白淨飯王言大王當知我從今夜欲受八禁清淨齋戒所謂不殺生不偷盜不婬妣不妄語不飲酒不兩舌不惡口不無義語又願不貪欲不瞋恚不愚癡不生邪見我當正見諸衆生等禁戒齋法我當受持我今繫念恒常勤行於諸衆生當起慈心時淨飯王即報夫人言心所愛樂隨意而行我今亦捨國王之位隨汝所行而有偈言

王見菩薩母 從坐恭敬起 如母如姊妹 心不行欲想 菩薩正念從兜率下託淨飯王第一大妃摩耶夫人右脇住已時大妃於睡眠中夢見有一六牙白象其頭朱色七支拄地以金裝牙乘空而下入於右脇夫人夢已明旦即向淨飯王言大王當知我於昨夜作如是夢當入於我右脇之時我受快樂

廿八

廿八

廿四

廿

昔所未有從今日後我實不用世間快樂此
 夢瑞相誰占夢師能為我解時淨飯王召一
 宮監內侍女人而告之言汝速疾來至外宣
 勅語我國師大那摩子今追喚八婆羅門大
 占夢師彼使依王勅已喚得八婆羅門八婆
 羅門等聞王語已善知諸相善占夢祥即具
 諮王大王善聽所夢瑞相我當具說如我所
 見往昔神仙諸天經於典籍所載為說偈言
 若母人夢見 日天入右脇 彼母所生子
 必作轉輪王 若母人夢見 月天入右脇
 彼母所生子 諸王中最勝 若母人夢見
 白象入右脇 彼母所生子 三界無極尊
 能利諸眾生 怨親悉平等 度脫千萬眾
 於深煩惱海 尔時占夢婆羅門師白大
 王言夫人所夢其相甚善大王今者當自慶
 幸夫人所產必生聖子彼於後時必成佛道
 名聞遠至時淨飯王聞諸占師說此偈已心
 大歡喜多以財施時淨飯王聞此相師占觀

妃夢云是吉祥瑞占相之後即於其國迦毗
 羅城四門之外并衢道頭街巷阡陌有人行
 處安大無遮義會之施所須飲食財寶宅舍
 畜生皆悉與之又阿私陀是五通仙人聞菩
 薩從兜率陀天正念下至淨飯王宮夫人右
 脇入於胎時放大光明遍照人天一切世界
 後此大地具足六種十八相動時阿私陀見
 未曾有事心大驚怖毛孔悉堅今有何緣此
 大地動有何果報時彼仙人少時思惟然後
 而住心生歡喜踊躍無量不能自勝作是唱
 言希有大聖不可思議世間當出大富伽羅
 又菩薩初從兜率下時入母右脇受胎訖已
 時有一天名曰速往至諸地獄大聲唱言汝
 諸人輩一切當知菩薩今從兜率天下入於
 母胎是故汝等速發誓願願生人間地獄眾
 生聞此語已所有眾生往昔已來曾種善根
 復造雜業以惡強故墮於地獄彼等各各面
 相觀見馱離地獄復得光明身心安樂復得

聞於速往世間諸天之聲捨地獄身即生人中所有三千大千世界諸衆生等往昔已來種善根者皆來於此迦毗羅城四面託生降胎部第五 如涅槃經云菩薩下時欲色界諸天悉來侍送發大音聲讚歎菩薩以口氣風故令地動又念佛三昧經云菩薩欲降母胎時三千大千世界悉皆六種震動又因果經云尔時菩薩欲降母胎即乘六牙白象發兜率宮無量諸天作諸伎樂燒衆名香散天妙華隨菩薩滿虛空中放大光明普照下方以四月八日明星出時降神母胎于時摩耶夫人於眠寤之際見菩薩乘六牙白象騰虛而來從右脇入身現於外如處琉璃夫人體安快樂如服甘露顧見自身如日月照心大歡喜踊躍無量見此相已然後而覺生希有心即以此狀具告白淨王知尔時白淨見此瑞已歡喜踊躍不能自勝即召善相婆羅門占之知菩薩處胎出已成佛功德利益不

可具說尔時兜率天衆念言菩薩已生白淨王宮我等亦當下生人間菩薩成佛我得在先為其眷屬聽法作此念已便即下生其數有九十九億諸天下生人間又從他化自在天乃至四天王及色界天王與其眷屬亦皆下生不可稱計菩薩在母胎行住坐卧無所妨礙不令母有諸苦患事菩薩至晨朝於母胎中為色界諸天說種種法至日中時為欲界諸天說法於日晡時為諸鬼神說法於夜三時亦復如是依菩薩經云菩薩在母胎十及諸大人行也華嚴經云菩薩於母胎中三千大千世界衆生普見菩薩於胎中如明鏡中見其面像 獎導部第六 如菩薩處胎經云佛告喜見菩薩曰汝欲知過去諸佛滅不滅刹土不耶當知我過去身其無數不可稱不可量即以神足入濕生界衆相具足與無數阿僧祇為濕識衆生說法令濕識隨意所願各得解脫入化如等生隨

意所願各得解脫亦復如前復以神足現當
來世界入四生中各得解脫亦復如前如我
今日在母胎中與諸十方神通菩薩說不退
轉難有之法亦以神通入天四生入地獄四
生餓鬼四生畜生四生於四生中胎化二生
盡漏得疾濕卵二生盡漏稍遲化生胎生是
利根人濕卵是鈍根人又佛告阿難諦聽善
思念之吾今與汝一一分別大士難有之行
阿難白佛言願樂欲聞佛告阿難去此東南
方一億一万一千六十二恒河沙刹彼有世
界名曰思樂佛名香焰如來於彼現般涅槃
而來至忉利天宮經歷無數阿僧祇劫三十
六返作大梵天王三十六返作帝釋身三十
六返作轉輪王所度衆生無墮二乘及諸惡
趣何以故皆是諸佛神智所感佛告阿難如
來有胎分耶無胎分耶阿難白佛言如來之
身無有胎分也佛告阿難若如來無胎分者
云何如來十月處胎教化說法耶阿難白佛

言如來有胎分者此亦處寂無胎分者亦復
處寂尔時世尊即以神足現母摩耶身中坐
卧經行敷大高座縱廣八千由旬金銀梯控
天繒天蓋懸處虛空作唱妓樂不可稱計復
以神足東方去此娑訶世界万八千土菩薩
大士皆來雲集南西北方四維亦尔復有下
方六十二億刹土諸神通菩薩亦來大會上
方七十二億空界菩薩亦來雲集入胎中尔
時文殊師利菩薩白世尊曰此諸菩薩大士
雲集欲聽世尊不思議法如是三昧億千那
由他如今如來入何三昧居於胎舍與諸大
士說不思議法佛告文殊汝今觀察一住二
住乃至十住一生補處諸方菩薩名當其位
勿相雜錯今此大衆清淨無雜寄生枝葉亦
無穢惡今此坐上無有一人雜穢惡者有退
轉者所以者何是利根不處生死
又問弥勒心有所念幾念幾相識耶弥勒言
舉手彈指之頃三十二億百千念念成形

形皆有識識念極微細不可執持佛之威神入彼微識皆令得度此識教化非無識也

法苑珠林卷第八

杜八

釋音

隄

都奚切

裱

彼苗切

沛

傳蓋切

摘

古岳切

楹

以成切

躡

直錄切

切

簪

側吟切

騫

去軋切

馱

唐佐切

藪

音叟切

寤

音候切

紉

女久切

憤

上對切

鬧

下教切

不

靜

也

纂

作管切

裳

以制切

頰

吉切

酷

苦屋切

耽

丁含切

屏

處

上音餅切

蔚

細勿切

翁

烏公切

菱

於

爲

渝

羊晉切

梯

橙

上土雞切

繒

疾陵切

法苑珠林卷第九

千佛之二

杜九

大唐上都西明寺沙門釋道世字玄暉撰

出胎部第六

此別入部

述意部

迎后部

感瑞部

誕孕部

招福部

降邪部

同應部

校量部

述意部第一

◎

敬思定光授記逆号能仁玄符合契故託化釋種萌兆於未形之前跡乎於已生之後照炳人天聯綿曠劫其爲源也遠乎勝矣所以神形六動方行七步五淨雨華九龍灑水神瑞畢臻吉徵揔萃觀諸百代曾未之有然後孕異堯軒產殊禹偃至如黑帝入夢之兆白光蒲室之徵徒曰嘉祥詎可擬議身邊則光色一丈眉間則白毫五尺開卍字於曾前躡千輪於足下大略以言三十有二非可以龍頰虎鼻八采雙瞳方我妙色較其升降者也迎后部第二

如佛本行經云介時菩薩聖母摩耶懷孕菩薩將滿十月垂欲生時時彼摩耶大夫人父善覺長者即遣使人詣迦毗羅淨飯王所又云夫人父名善智奏大王言如我所知我女摩耶王大夫人懷藏聖胎威德既大若彼產出我女命短不久必終我意欲迎我女摩耶還我安止住於嵐毗尼中共相娛樂盡父子